

**Qamutit motorillit uulia tunngavigalugu atuinngitsut eqqunneqarneranni, motorinullu akitsuuserneqanngikkallarnissaanut Inatsisartut inatsisaattut siunnersuut**

**pillugu**

**Akilerartarnermut Akitsuusisarnermullu ataatsimiititaliap**

**ISUMALIUTISSIISSUTAA**

Siunnersuutip aappassaaneernejarnissaanut saqqummiunneqartoq

Inatsisartut Akilerartarnermut Akitsuusisarnermullu ataatsimiititaliaa suliarinninnermini ukuninnga inuttaqarpoq:

Inatsisartunut ilaasortaq, Niels Thomsen (siulittaasoq)  
Inatsisartunut ilaasortaq, Harald Bianco (siulittaasup tullia)  
Inatsisartunut ilaasortaq, Aqqaluaq Egede  
Inatsisartunut ilaasortaq, Karl Lyberth  
Inatsisartunut ilaasortaq, Aleqa Hammond

Akilerartarnermut Akitsuusisarnermullu ataatsimiititaliap ulloq 13. april 2010 siunnersuutip siullermeerneqarnerata kingunerisaanik siunnersuut pineqartoq misissuataarpaa.

**Siunnersuutip imarisaa**

UKA 2009-imi Inatsisartut isumaqatigiittut aalajangiuppaat (UKA2009/23) qamutit motorillit eqqunneqarneranni akitsuutit allannagortinneqarnissaat pillugu Naalakkersuisut peqquneqassasut, taamaalilluni ukiuni sisamani misileraanermi qamutinik motorilinnik eqqussinermi uulia tunngavigalugu atuinngitsut akitsuuserneqanngikkallarsinnaaqullugit.

Tamanna tunngavigalugu Qamutit motorillit eqqunneqarneranni, qamutillu motorillu taamaattut akitsuuserneqanngikkallarsinnaaqullugit Naalakkersuisut siunnersuummik uannga saqqummiippat.

**Inatsisartuni siunnersuummik siullermeerinnineq**

Siunnersuutip siullermeerneqarnerani partiit tamarmiusut tapersiippat.

Tamatuma saniatigut biilini innaallagissamik ingerlatilinnik pissarsiniarneq pilerinarneruqqullugu orsersortarfinnik inissitsiterinissaq siunnersuummi ilanngunneqassasoq Inuit Ataqtigiinniit ujjartorneqarpoq. Ilanggulluguttaaq Inuit Ataqtigiit siunnersuutigaat, biilit illoqarfimmi ingerlaarnerminni minnerpaamik nal. akunneranut liiterimut kilometerit 20-it ingerlasinnaasut akitsuutaasa appartinneqarnissaat inatsimmut ilanngunneqassasoq. Tamanna aamma biilini akuleriinnik ingerlatilinnut atuutissaq.

### **Naalakkersuisut**

Ataatsimiititaliamiit kaammattorneqarnertik tunngavigalugu biilit akuleriinnik ingerlatillit qanoq akitsuuserneqanngikkallarnissaat Naalakkersuisut aamma eqqarsaasersuutigivaat. Siunnersuummi biilit taamaattut ilaatinneqarnissaat taamaattoq Naalakkersuisunit toqqarneqanngilaq tassa biilit innaallagissamik imaluunniit brintimik ingerlatillit saniatigut aammattaq biilit taamaattut uulia tunngavigalugu ingerlateqartarmata. Maannakkorpiaq ulluinnarni atuinermi biilit suna ingerlatigisarneraat pillugu nakkutilliinissami ajornartorsiuteqarpallaarsinnaanera pillugu Naalakkersuisut naliliipput. Taamaattorli biilini akuleriinnik ingerlatilinnut uulia tunngavigalugu ingerlatillit atuinerannut sanilliullugu akitsuutip annikillisinneqarnissaa anguniarlugu akitsuuseeriaaseq qanoq ittoq pilersinneqassappat allaffissornikkut suut piumasqaataassanersut Naalakkersuisuniit qulaajarniarneqarpoq.

### **Akilerartarnermut Akitsuusisarnermullu ataatsimiititaliap siunnersuummik suliarinninera**

Siunnersuutip tapersorsorluarneqarnera Ataatsimiititaliamit aallarniutitut maluginiarneqarpoq aammalu ukiup affakkaartumik qamutit motorillit akitsuutaasa qamutit oqimaassusaat tunngavigalugu akilersinneqartartup siunnersuummi ilanngunneqarnissaannik Ataatsimiititaliap kaammattuutaa Naalakkersuisunit malinneqarsimanera ilanngullugu.

Biilit ingerlatissaminnut orsersorneqarneranut (batteriilersornerannut) aammattaq piffissami misileraanermi innaallagissamik atuinerup avatangiisitigut nalilersuinissami ingerlatsisoqarnissaanut atatillugu, pissutsinut avatangiisinut ataqtigiittussaanerata innaallagissamik pilersorneqarneq imermik nukissiuutinik atuinikkut pinersaq imaluunniit uulia tunngavigalugu innaallagissiorneq ingerlanneqarneris apeqqutaatillugu aammattaq Ataatsimiititaliamit iluarisimaarneqarluni maluginiarneqarpoq.

Biilit akuleriinnik ingerlatillit akitsuusiinermut ilaatinneqannginnissaannik Naalakkersuisut tunngavilersuutaat Ataatsimiititaliamit tusaatissatut tiguneqarpoq. Ilutigaluguli Ataatsimiititaliap Naalakkersuisunit kaammattuutigissavaa maannakkut akitsuusersueriaatsimi avatangiisinut mingutitsinngitsunik qamutunik angallassissutinik atuneq eqqarsaasersuutigeqqullugu. Tamanna biilini amerlangaatsiartuut annertuumik oqimaassusilinnut kiisalu orsussamik annertuumik atuisut eqqarsaatigalugit.

**Akilerartarnermut- Akitsuusisarnermullu ataatsimiititaliap inassuteqaataa**

Qulaani allassimasut kiisalu siunnersuummik siullermeerinninnermi oqaaseqaatigineqartut tunngavigalugit Akilerartarnermut- Akitsuusisarnermullu ataatsimiititaliap **isumaqatigiittup** siunnersuut **akuersissutigineqassasoq** inassutigaa.

Taama oqaaseqaateqarluni Akilerartarnermut- Akitsuusisarnermullu ataatsimiititaliap siunnersuut Inatsisartunut aappassaaniigassanngortippaa

---

Niels Thomsen  
Formand

---

Harald Bianco

---

Aqqaluaq Egede

---

Karl Lyberth

---

Aleqa Hammond